



**BEKE YA PELE:  
BODIREDI**

## BEKE YA PELE: BODIREDI

Mo Bekeng ye, re šetša le go leboga methopo ya Lefase. Re lemoga gore re bileditšwe go šomela Lefase le go le hlokomela.  
Altare e ka kgabišwa ka dienywa, merogo le dimela.  
Bana ba Sekolo sa LaMorena ba ka lokiša mangwalo a ditsebišo (phostara) ka ga mabotse a Lefase.

### Lefoko:

“Modimo a lebelela tšohle tše a di dirilego mme a kgahlega kudu”

### Boitsholo:

A re šetšeng mekgwa yeo re paletšego ke go hlokomela tlhago ya Modimo: go tšhilafatša Lefase, matlakala, fediša diminerale bj.bj

### KOLEKA

Morena Modimo,  
Monei le mophediši wa maphelo a rena,  
O re bileditše go ba le maikarabelo le go tlhokomela tlholego ya gago:  
Re thuše ka go kwa pitšo ya gago ya go ba bafodiši le baboloki ba lefase.  
Ka Jesu Kriste Morena wa rena, Amen.

Genesi 1 : 26-31 goba Gen 2: 1-15	Modimo o beile Adama le Efa ka gare ga tšhemo, gore ba e šome le go e hlokomela
Pesaleme 24	Lefase le la Morena, le tšohle tše di le go ka gare ga lona. Ga re na selo seo re ithuetšego sona.
Ditiro 17:24- 28	Mohlodi wa rena yoo e lego Modimo ke Morena legodmong le Lefaseng. Lefase le tletše ka bogna bja Modimo, e sego ka gare ga moago wa kereke.
Mateu 21:33-46	Modimo yoo e lego mong wa naga o re dumelela re šomiša serapa sa gagwe sa merara – a fa re tla ba bjalo ka bašomedi goba bahiri bao ba nyakago go itšeela puno gomme ra itšeela rena ruri?

## BEKE YA BOBEDI: MEETSE

Mo bekeng ye re gopola gore meetse a kgethegile, gape re gopola ka hlokego ya toka mo hlokegong ya meetse setšhabeng.  
Altare e ka kgabišwa ka dibjana tsa go ba le meetse  
Tirelo ye e ka fela ka go šašetšwa ka meetse bjalo ka tšošološo ya dikano tša kolobetšo.  
Bana ba Sekolo sa Sontaga ba ka eta pele ka molokoloko go tšwa ka kerekeng bjalo ka sešupo sa gore ba fetša go kolobetšwa.

### Lefoko

Noka ya Modimo e tletše ka meetse

### Boitsholo

Ra ipobola gore ke ka makgehlo a mantši moo re sentšego e bile re tšhilafaditšego meetse, re sa lemoge gore meetse a kgethegile, ka nako ye re sa le bale bao ba se na go tumelelo ya meetse a go hlweka le keelatšhila ye kaone.

## KOLEKA

Morena Modimo

Ka meetse o tšweeditše bokgoni bja moya wa gago

Re tebiše ka gare ga dipelo tša rena gore re hlomphe meetse a gago a bophelo.

Gore re tle re nwe ka botlalo mpho ya gago ya moya ya go re fa bophelo

Ka Jesu Kriste Morena wa rena

Amen

Jeremia 2: 1-13	Re ganne meetse a Modimo a bophelo ra šetša medingwana ya dilo tša Lefase – ka fao re senya Lefase.
Pesaleme 107:33-38	Meetse a bophelo a tliša tšhegofatšo le dijo go bao ba lapilego
Baheberu 10: 19-25	Meetse a Modimo a na le maatla a go re hlatswa.
Mateu 3: 13-17	Jesu o kolobeditšwe nokeng ya Jordane- Seo se reng go rena k age re tsene lapeng la Modimo ka meetse?

## BEKE YA BORARO: NAGA

Re lebogela naga ye e re fago dijo, re lelelela bao ba lahlegetšwego ke naga le bao ba sa ilelago go senywa ga lefase.

.Sengwa se se pakilwego se ka šomišwa mo tirelong ye.

Bana ba ka thala diswantšho tša batho bao ba šomelago naga le diphoofolo le dimela tšeo di melago mo nageng yeo.

### Lefoko

Ka le fihliša nageng yeno ya mašemo, la ja dienywa tša yona le menono ya yona (Jer 2:7)

### Boitsholo

“Mme lena, mola le sa fihla, la senya naga ya ka; magae a ka la a dira a makgapha.” (Jer 2:7)

Re ipobola ka mekgwa yeo re hlokofaditšego naga ya rena ka gona: ka go šomiša bošaedi ga dibolayakhunkhwane, le dinontšhammu , go lema ka go fetiša, go tlatša matšhila, bj.bj.

## KOLEKA

Morena Modimo

O babalela naga le daditšhaba

O re bileditše bonolo le nyakalo

Dula dipelo le megopolo bohlangeng bja go tseba mekgwa ya gago

Gore Lefase le ke le mpšhafale

Le gore tlholo e keteke botlalo bja yona

Go tumiša leineng la gago

Amen

Eksoda 23: 10-13	Naga e swanetše gore e dule le sa šomišwe gore le tle le kgone go kaonafala. Re swanetše gore thuše bahloki le diphoofolo.
Pesaleme 65: 1-13	Bobotse bja naga bo tšweletša letago la Modimo.
Jakobo 5:4-14	Modimo o kwa sello sa bašomi ba serapa bao ba tlaišwago.
Mateu 20: 1-16	Modimo o babalela dihlokwa tša bašomi.

## BEKE YA BONE: MATLAKALA

Matlakala a ka bewa monyakong wa kereke ge batho ba tsena.  
Bafša le bana ba Sekolo sa Sontaga ba ka dira mangwalo a ditsebišo ka ga matlakala.  
Go ka hlwekišwa lebala la kereke gotee le mebila morago ga tirelo.  
Le ka ikana bjalo ka kereke gore le tla fokotša tšhomišo ya polasetiki.

### Lefoko:

Jesu a laetša barutiwa ba gagwe a re: Kgobelang marathana a šetšego, gore go se lahlege selo (Johane 6:12)

### Boitsholo

Re tla šetša matlakala, le polasetiki tšeo re di lahago. Ke dijo tše di kaakang tšeo re di senyago?

### KOLEKA

Morena Modimo

O kgobokantšha marathana gore go se lahlege selo

Re lemoše ka bošaedi le bosenyi bja rena

Re rute go abelana go tšwa boating mo magareng ga rena

Ka Jesu Kriste Morena wa rena. Amen

Jesaya 24: 1-13	Go na le ditlamorgo ditirong tša rena— Ekwa sello sa Lefase ka lebaka la matlakala
Pesaleme 74: 1-23	Modimo ke mohlodi gomme re swantše go hlokomela tlholo ya gagwe gore e se senywe.
2 Bakorithe 5: 14 - 17	Ka ge re le dibopiwa tše difša go Kriste— re dumela ka go hlolwa lefša le go mpšafatšwa ga Lefase. Re swanetše go ba batho ba go ba le tshepo. Phetogo e a kgonega!
Johane 6: 1-15	Go fepiwa ga batho ba dikete tše hlano re bona bohlale bja Jesu : bohle ba fepilwe, wast ga gona matlakala, mašaledi a fiwa bao ba hlokago kudu.

## BEKE YA BOHLANO: THUTAPHELOMAKGETHEKGETHE (MOKG.FRANCIS)

re keteka bobotse bja tlhago  
Bana ba Sekolo sa Sontaga ba ka bea diswantšho tša tlholo ya Modimo go dikologa le altare.  
Go ka šegofatšwa diphoofolo  
Bafša ba dira tiragatšo ka ga bophelo bja Mokg. Francis (Gore a na bophelo bja gagwe bo ka be bo le bjang nakong tša bjale)

### Lefoko

Gobane dibopša ke Modimo ke tše botse tšohle (1 Thim 4:4)

### Boitsholo

Re šetša dibopiwa tšeo di lego kotsing .Gape re gopola ka mekgwa yeo re e šomišago go lema kudu *battery farming*.  
A re kweng sello sa dibopiwa tsa Modimo.

### KOLEKA

Morena Modimo

Maatla a gago a sa felego a bonala bjalo ka lelokwa la bophelo

Lentšu la gago le kwagetše bobotseng ba tlholo ya gago

A lerato la gago le tielele ge re go tumiša gotee le dibopiwa tša gago.

Ka Jesu Kriste Morena wa rena

Amen

Numeri 22: 22-35	Modimo o a bolela a šomiša pokolo
Pesaleme 104: 1-30	Modimo o nea dijo go diphoofolo tšohle le tšeo di lego kgole le batho.
Bakolose 1: 15-23	Tšohle di hlotšwe ka Kriste (e se go batho fela) di phološitšwe ka Kriste
Luka 6: 43-49	Mehlare e botse e tla enywa dienywa. Tlhago e re ruta tša semoya.

*Translated into Sepedi by Ramusi Makwetsa*